

Z A P I S N I K

Prve sjednice Bošnjačkog nacionalnog vijeća u Republici Srbiji Novi Pazar, Glavni ured Vijeća, 26.12.2022.godine, 10:00h

Prvom sjednicom novog saziva Bošnjačkog nacionalnog vijeća, shodno Odluci o održavanju prve Sjednice novog saziva Bošnjačkog nacionalnog vijeća u Republici Srbiji, do izbora predsjednika, predsjedava Radno predsjedništvo Konstitutivne sjednice **u sastavu:** Hajro Tutić, predsjedavajući – najstariji član Vijeća i dva najmlađa člana Vijeća: Edin Numanović, zapisničar i Elvin Banjica.

Predsjedavajući Hajro Tutić je pozvao člana Radnog predsjedništva Edina Numanovića da prozivkom utvrdi broj prisutnih vijećnika na sjednici.

Predsjedavajući je konstatovao da Prvoj sjednici Bošnjačkog nacionalnog vijeća u Republici Srbiji prisustvuju 34 vijećnika i da Vijeće ima kvorum za rad i punovažno odlučivanje.

PRISUTNI: Husein Memić, Samira Ćosović, Fahrudin Đekić, Vahidin Melajac, Mirzet Bojadžić, Sanela Međedović, Samir Lekić, Enver Ujkanović, Samina Bronja, Elvin Banjica, Adel Slatina, Fatima Kriještorac, Misala Pramenković, Munib Mujagić, Hajro Tutić, Alisa Talović, Mustafa Fetić, Meliha Prelejević, Edin Numanović, Naso Planić, Sajma Dazdarević, Kemal Džemić, Ahmed Bihorac, dr. Fuad Bačićanin, prof. dr. Sead Šemsović, dr. Jasmina Curić, Kenan Hot, Muhedin Fijuljanin, Minela Kalender, mr. Rešad Ugljanin, dr. Adnan Bjelak, Indira Hadžibulić, Denis Martinović i Admir Muratović.

ODSUTNI: Ljutvija Balkan (opravdao odsustvo)

Predsjedavajući je prisutne vijećnike upoznao da je Prva sjednica zakazana na osnovu Odluke o održavanju Prve sjednice novog saziva Bošnjačkog nacionalnog vijeća donijete na Konstitutivnoj sjednici Vijeća održanoj 12.12.2022. godine.

Predsjedavajući je na osnovu člana 8. stav 2. Poslovnika Bošnjačkog nacionalnog vijeća u Republici Srbiji za prvu sjednicu Vijeća predložio dnevni red sa jednom tačkom: **Izbor predsjednika Nacionalnog saveta bošnjačke nacionalne manjine/Bošnjačkog nacionalnog vijeća u Republici Srbiji.**

Predsjedavajući je pozvao prisutne vijećnike da, ukoliko imaju u skladu sa Statutom i Poslovníkom Bošnjačkog nacionalnog vijeća u Republici Srbiji, predlože izmjene, odnosno, dopune dnevnog reda sjednice.

Svoje pravo za prijedlog dopunu dnevnog reda jedino je iskoristio vijećnik Admir Muratović sa prijedlogom da se dnevni red sjednice dopuni tačkom: **Razno.**

S obzirom da više nije bilo prijedloga za dopunu dnevnog reda, predsjedavajući je na glasanje stavio prijedlog vijećnika Admira Muratovića.

Nakon sprovedenog postupka glasanja, predsjedavajući je konstatovao da prijedlog za dopunu dnevnog reda vijećnika Admira Muratovića nije usvojen. „ZA“ je glasalo je 13 vijećnika, suzdržanih i protiv nije bilo.

Predsjedavajući je stavio na glasanje Dnevni red Prve sjednice Bošnjačkog nacionalnog vijeća u Republici Srbiji.

1. Izbor predsjednika Nacionalnog saveta bošnjačke nacionalne manjine/Bošnjačkog nacionalnog vijeća u Republici Srbiji.

Predsjedavajući je konstatovao da je sa 34 glasa „**ZA**“ usvojen sljedeći

DNEVNI RED:

1. Izbor predsjednika Nacionalnog savjeta bošnjačke nacionalne manjine/Bošnjačkog nacionalnog vijeća u Republici Srbiji.

Nakon usvajanja dnevnog reda prešlo se na raspravu i odlučivanje.

Prva tačka dnevnog reda: Izbor predsjednika Nacionalnog saveta bošnjačke nacionalne manjine/Bošnjačkog nacionalnog vijeća u Republici Srbiji.

Predsjedavajući je prisutne obavijestio da je grupa od 21 vijećnika podnijela pismeni prijedlog da se za predsjednika Nacionalnog savjeta bošnjačke nacionalne manjine/Bošnjačkog nacionalnog vijeća u Republici Srbiji izabere dr. Misala Pramenković, univerzitetski profesor iz Novog Pazara.

Predsjedavajući otvorio diskusiju po ovoj tački dnevnog reda i pozvao vijećnike da ukoliko imaju podnesu prijedloge za izbor predsjednika.

U diskusiji su učestvovali: Husein Memić, Admir Muratović, Dr. Fuad Bačićanin, Edin Numanović, Muhedin Fijuljanin, Munib Mujagić, Kemal Džemić, Fahrudin Đekić, Mustafa Fetić i Dr. Jasmina Curić.

Tokom diskusije nije bilo drugih prijedloga za izbor predsjednika Vijeća.

Pošto se ostali vijećnici nisu javljali za diskusiju predsjedavajući je zatvorio raspravu po ovoj tački dnevnog reda.

Predsjedavajući je konstatovao da nije bilo drugih prijedloga za izbor predsjednika Vijeća, te je stavio na glasanje prijedloga 21 vijećnika da se za predsjednika Nacionalnog saveta bošnjačke nacionalne manjine/Bošnjačkog nacionalnog vijeća u Republici Srbiji izabere dr. Misala Pramenković, te da će se pristupiti glasanju.

Predsjedavajući je prisutne vijećnike upoznao o načinu glasanja za izbor predsjednika Vijeća, da se izbor vrši javnim glasanjem, prozivkom i da je kandidat za predsjednika izabran ukoliko za njega glasa većina od ukupnog broja članova Vijeća/vijećnika.

Nakon sprovedenog postupka glasanja, prozivkom, predsjedavajući je konstatovao da je:

Prof. dr. Misala Pramenković, univerzitetski profesor iz Novog Pazara, izabrana za predsjednicu Bošnjačkog nacionalnog vijeća u Republici Srbiji,

sa **21** glasom „**ZA**“, **0** glasova „**PROTIV**“, **1** glas „**UZDRŽANO**“, nije glasalo **12**.

Predsjedavajući je čestitao na izboru i pozvao predsjednicu Vijeća prof. dr. Misalu Pramenković da preuzme predsjedavanje sjednicom.

Predsjednica je zaključila Prvu sjednicu Bošnjačkog nacionalnog vijeća u Republici Srbiji.

NAPOMENA 1: Prva sjednica je završena u 11:40 h.


NAPOMENA 2: Zapisnik je sačinjen na 3 (tri) strane.

NAPOMENA 3: Prva sjednica je zabilježena putem audio i video zapisa.

NAPOMENA 4: Zapisnik sa Prve sjednice Bošnjačkog nacionalnog vijeća biće predmet razmatranja i usvajanja na prvoj narednoj sjednici Vijeća.


U Novom Pazaru, 26. decembra 2022. godine.

Predsjedavajući do izbora
predsjednika



Hajro Tutić



Predsjednica Vijeća


Prof. dr. Misala Pramenković

Zapisničar


Edin Numanović